



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliag nr. 01.31.06/07-00247 pillugu arfininngornermi ulloq 9. juni 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 31. maj 2007-imi ataatsimiinneranni imm. 2d)

Naalakkersuisut inassutigaaat,

- kontomi pingaarnermi 75.86.20-imi, Avatangiisinut atasumik sanaartornermut tunngasumi, suliassamut nr. 999.14.001-imut, Uuliaarluertoqarnissaanut upalungaarsimanermut atortussanik pisiniarnermut tunngasumut, aningaasaliissutit **-838.000 koruuninik** ikilineqassasut.
- kontomi pingaarnermi 75.86.21-imi, Mingutsaaliuinermit atortulersuutitut tunngasumi, aningaasaliissutit **-720.000 koruuninik** ikilineqassasut, taakkulu ima agguarneqassasut; suliassamut nr. 021.13.022-imut, Saarlumi ikuallaavimmut tunngasumut, -119.000 koruuninik, suliassamut nr. 110.13.019-imut, Qasigiannguani ikuallaavimmut tunngasumut, -103.000 koruuninik aamma suliassamut nr. 998.13.039-imut, nunaqarfiit ikuallaaviini iluarsaassinermit tunngasumut, -498.000 koruuninik.
- kontomi pingaarnermi 75.86.22-imi, Illoqarfinni akunnattumik angissusilinni eqqagassalerinermit sanaartukkanut tapiissutitut tunngasumi, suliassamut nr. 999.13.054-imut, Ikuallaavik/tigooqqaavik nr. 2-mut tunngasumut, aningaasaliissutit **-8.500.000 kr.-inik** ikilineqassasut.
- kontomi pingaarnermi 75.86.23-imi, Illoqarfinni eqqagassalerinermit sanaartukkanut tapiissutitut tunngasumi, suliassamut nr. 080.13.203-imut, Sisimiuni tigooqqaavimmut tunngasumut, aningaasaliissutit **-185.000 kr.-inik** ikilineqassasut.
- kontomi pingaarnermi 80.00.01-imi, Nuussinissanut sillimmatitut tunngasumi, aningaasaliissutit **10.243.000 kr.-inik** amerlineqassasut.

Aningaasaqarnermut Ataatsimiititaliap oqaaseqaatai

Avatangiisinut tunngasuni sanaartugassatut pilersaarutitut aalajangersimasunut arlalinnut aningaasaliissutit ikilineqarnissaat Naalakkersuisut suliami matumani qinnutigaat. Ilaatigut pineqarput pilersaarutit naammassineqareersutut taaneqarsinnaasut ilaatigullu aningaasaliissutaasut atorneqarsinnaannginnerat pissutigalugu pilersaarutit taamaatiinnarneqartariaqartut.

Taamaaliornikkut avatangiisinut tunngasuni sanaartugassanut aningaasaliussat atorneqaratik Sanaartornermit Iluarsaanermullu Aningaasaateqarfimmi ukiut arlalissuit atorneqaratik

uninngaannarnerannik ajornartorsiut Aningaasaqarnermut Ataatsimiititaliap arlaleriaqaluni tikkuagaa Naalakkersuisut iliuuseqarfigimmassuk ataatsimiititaliamit iluarisimaarneqarpoq.

Pilersaarutilli ingerlanneqarnerat imaluunniit inaarutaasumik naliliiffigineqarnissaasa utaqqineqarnerat pissutigalugit pilersaarutitut taaneqartunut arlalinnut aningaasaliissutit peerneqarsinnaasimanngitsut ataatsimiititaliap maluginiarppaa. Paasissutissat taakku ataatsimiititaliamit tusaatissatut tiguneqarallarpput. Tassungali atatillugu pilersaarutit taakku killiffiat pillugu paasissutissiissummik **ulloq 1. oktober 2007-imi** nassinneqarnissani ataatsimiititaliap qinnutigissavaa.

Tamatuma saniatigut nunatsinni eqqagassalerinermut pilersaarut qanoq piviusunnigortinneqassanersoq Naalakkersuisunit piaartumik aalajangerneqassasoq ataatsimiititaliap naatsorsuutigaa, taamaaliornikkut avatangiisinut tunngasuni sanaartugassanut aningaasaliissutit atorneqanngitsut amerlaqisut paasinarsisinneqarsinnaaqullugit. Matumani ilaatigut Tasiilami eqqakkanik ikuallaaviliassamut aningaasaliissutit 10 mio. kr. 2002-mili Sanaartugassanut Iluarsagassanullu Aningaasaateqarfimmi uninngaannartut ataatsimiititaliamit tikkuarneqassapput.

Siunertaqqartoq naapertorlugu aningaasaliussat atorneqarnissaannut suli periarfissaqartoq kommunit tunngavissalimmik saqqummiussisagaluarpata sanaartugassanut aningaasaliissutit qinnuteqaammi pineqartut ilaasa uterteqqinneqarnissaannik Naalakkersuisut qinnuteqaateqarnissaat ataatsimiititaliamit naatsorsuutigineqarmat naggasiullugu oqaatigineqassaaq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua